

REPUBLIKA E SHQIPËRISË  
MINISTRIA E DREJTËSISË  
MINISTRI

Nr. 5077/1. Probt

URDHËR

Nr. 367, datë 18.04.2019

PËR  
MIRATIMIN E FORMATIT TË PLANIT INDIVIDUAL PËR PËRMBUSHJEN E  
DETYRIMIT TË CAKTUAR NGA GJYKATA PËR TË MITURIN NË KONFLIKT ME  
LIGJIN.

Në mbështetje të nenit 102, pika 4, të Kushtetutës, të nenit 7, pika 2, të ligjit nr. 8678, datë 14.05.2001, "Për organizimin dhe funksionimin e Ministrisë së Drejtësisë", të ndryshuar, të pikës V, nënpika 8 të vendimit nr. 207, datë 10.4.2019, të Këshillit të Ministrave, "Për përcaktimin e autoriteteve kompetente dhe të procedurës që do të ndiqet për përmbushjen e detyrimeve të caktuara nga gjykata për të miturin në konflikt me ligjin",

URDHËROJ:

1. Miratimin e formatit të planit individual për të miturin në konflikt me ligjin, që do të zbatojnë autoritetet përgjegjëse për përmbushjen e detyrimeve të caktuara nga gjykata, sipas nenit 102 të Kodit të Drejtësisë Penale për të Miturit, sipas Aneksit bashkëlidhur këtij Urdhri dhe që është pjesë përbërëse e tij.
2. Për qëllime të këtij Urdhri, autoritetet përgjegjëse, kanë të njëjtin kuptim me atë të përcaktuar në pikën II, nënpika 1, të vendimit nr. 207, datë 10.4.2019, të Këshillit të Ministrave, "Për përcaktimin e autoriteteve kompetente dhe të procedurës që do të ndiqet për përmbushjen e detyrimeve të caktuara nga gjykata për të miturin në konflikt me ligjin".
3. Ngarkohet Sekretari i Përgjithshëm për komunikimin e formatit të planit individual autoriteteve përgjegjëse, me qëllim orientimin e veprimtarisë së tyre gjatë miratimit të planit individual, sipas fushës përkatëse të përgjegjesisë.
4. Ngarkohet Drejtoria Rregullatore për Çështjet e Drejtësisë, për ndjekjen e procedurave të zbatimit të këtij Urdhri, për çështje për të cilat Ministria e Drejtësisë konsiderohet autoritet përgjegjës.
5. Ngarkohet Sektori i Arkiv-Protokollit për njoftimin e këtij Urdhri.

Ky Urdhër hyn në fuqi menjëherë.

MINISTRI  
ETILDA GJONAJ (SALIU)



PLAN INDIVIDUAL  
PËR

CAKTIMIN E MASAVE PËR PËRMBUSHJEN E DETYRIMEVE TË CAKTUARA NGA  
GJYKATA SIPAS NENIT 102 TË KODIT TË DREJTËSISË PENALE PËR TË MITUR

Datë \_\_\_/\_\_\_/\_\_\_

Në zbatim të vendimit të Gjykatës së Rrethit Gjyqësor \_\_\_\_\_, nr. \_\_\_\_\_ datë  
\_\_\_/\_\_\_/\_\_\_, në të cilin urdhërohet përmbushja e detyrimit/detyrimeve:

të parashikuar/a nga neni 102, pika 1, gërma \_\_\_\_\_, i Kodit të Drejtësisë Penale për të  
Mitur, nga i mituri (emër, atësi, mbiemër) \_\_\_\_\_, i moshës \_\_\_\_\_,  
vendlindja \_\_\_\_\_, vendbanimi \_\_\_\_\_, si dhe pasi është marrë paraprakisht:

a) mendimi i të miturit, i cili deklaron se:

b) mendimi i prindit të të miturit në konflikt me ligjin, i cili deklaron se:

miratohet plani individual me këtë përmbajtje:

I. Masat që do të ndërmerren në përmbushje të vendimit të gjykatës

Bazuar në vlerësimin individual të të miturit, të bërë në bazë të rregullave të parashikuara nga nenet  
22 dhe 47 të Kodit të Drejtësisë Penale për të Miturit nga ana e organit procedues, si dhe mbështetur  
në të dhënat që kanë rezultuar nga:

- a) mosha e të miturit;
- b) gjendja mendore dhe emocionale;
- c) gjendja shëndetësore;
- d) nevojat e veçanta të tij;
- e) mënyra e jetesës dhe nevojat e të miturit, veçanërisht ato të lidhura me familjen;
- f) edukimi ose puna;
- g) motivet e kryerjes së veprës penale;
- h) qëndrimi pas kryerjes së veprës penale; si dhe
- i) rrethanat e tjera, që kanë ndikuar në vendosjen e detyrimeve, sipas vendimit gjyqësor;

për përmbushjen e detyrimeve të vendosura nga gjykata, ndaj të miturit do të merren masat e  
mëposhtme:

**II. Kohëzgjatja e masave përkatëse**

Kohëzgjatja e masave të vendosura ndaj të miturit për qëllime të ekzekutimit të vendimit të gjykatës, në asnjë rast, nuk mund të kalojë kufijtë e caktuar në vendimin gjyqësor, që ka urdhëruar përmbushjen e detyrimit/detyrimeve përkatëse.

**III. Caktimi i personit përgjegjës që do të mbajë komunikimet me prokurorinë dhe gjykatën**

Nëse vendimi i gjykatës parashikon detyrimin periodik për raportim, për qëllime të raportimit mbi ecurinë e zbatimit të detyrimeve të vendosura për të miturin, caktohet si person përgjegjës Z./Znj. \_\_\_\_\_, me funksion \_\_\_\_\_.

**IV. Bashkërendimi i veprimtarisë**

Në kushtet kur gjykata ka caktuar për përmbushjen e detyrimit/detyrimeve, autoritetet e mëposhtme:

\_\_\_\_\_  
\_\_\_\_\_  
\_\_\_\_\_

nëpërmjet komunikimit/ komunikimeve me shkresën/shkresat \_\_\_\_\_, është dakordësuar bashkërendimi i veprimtarisë institucionale, për çështjet e mëposhtme:

\_\_\_\_\_  
\_\_\_\_\_  
\_\_\_\_\_  
\_\_\_\_\_

**V. Të drejtat dhe detyrimet e të miturit gjatë zbatimit të planit**

Gjatë zbatimit të këtij plani, i mituri ka të drejtat dhe detyrimet e mëposhtme:

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_



VI. Përgjegjësitë e Autoritetit përgjegjës gjatë zbatimit të planit.

Autoriteti përgjegjës kujdeset për mbarëvajtjen e ekzekutimit të vendimit të gjykatës, në përputhje me urdhërimet e vendosura në vendimin gjyqësor dhe masat e përcaktuara në këtë plan, duke respektuar të drejtat e të miturit për zhvillim dhe mirëqenie sipas legjislacionit në fuqi.

Autoriteti përgjegjës ushtron funksionet e tij brenda fushës përkatëse të përgjegjësisë shtetërore dhe respekton bashkëpunimin ndërinstitucional me autoritetet e tjera sipas fushës së tyre të përgjegjësisë.

Për çdo pamundësi të ekzekutimit të vendimit gjyqësor, autoriteti përgjegjës detyrohet të raportojë pranë organit procedues dhe të ndjekë në vijim urdhërimet e mëtejshme të tij.

*Ky plan pasi është lexuar dhe kuptuar qartë nga palët e pranishme, pranohet dhe nënshkruhet prej tyre pa vërejtje.*

AUTORITETI PËRGJEGJËS  
(Institucioni)

I MITURI  
(Emër Mbiemër)

(Nënshkrimi)

(Nënshkrimi)

PRINDI I TË MITURIT NË KONFLIKT ME LIGJIN

(Emër Mbiemër)

(Nënshkrimi)

PERSONA TË TJERË TË PRANISHËM

(kujdestari/ përfaqësuesi ligjor/procedural/mbrojtësi/ psikologu/ përkthyesi/ interpreti apo punonjës të tjerë të sistemit të drejtësisë për të mitur)

(Emër Mbiemër)

(Nënshkrimi)